

高宗純皇帝實錄(一一)

卷八二六至卷八九九

乾隆三十四年至三十六年

清實錄

第一九冊

中華書局影印

清 實 錄

(第 一 九 冊)

高 宗 實 錄 (一一·)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1082 毫米 1/16 · 71 1/4 印張

1986 年 3 月第 1 版 1986 年 3 月北京第 1 次印刷

印數 0·001——1,500 冊

統一書號: 11018·1555—19 定價: 53.00 元

清實錄第一九冊目錄

高宗純皇帝實錄(一一)

卷八二六	乾隆三十四年正月上	一
卷八二七	乾隆三十四年正月下	一七
卷八二八	乾隆三十四年二月上	三〇
卷八二九	乾隆三十四年二月下	四九
卷八三〇	乾隆三十四年三月上	六六
卷八三一	乾隆三十四年三月下	七六
卷八三二	乾隆三十四年四月上	八九
卷八三三	乾隆三十四年四月下	一〇二
卷八三四	乾隆三十四年五月上	一二七
卷八三五	乾隆三十四年五月下	一四三
卷八三六	乾隆三十四年六月上	一五三
卷八三七	乾隆三十四年六月下	一六九
卷八三八	乾隆三十四年七月上	一八九
卷八三九	乾隆三十四年七月下	二〇三
卷八四〇	乾隆三十四年八月上	二二九
卷八四一	乾隆三十四年八月下	二二九
卷八四二	乾隆三十四年九月上	二四五
卷八四三	乾隆三十四年九月下	二五六
卷八四四	乾隆三十四年十月上	二七一
卷八四五	乾隆三十四年十月下	二九四
卷八四六	乾隆三十四年十一月上	三二五
卷八四七	乾隆三十四年十一月下	三三七
卷八四八	乾隆三十四年十二月上	三五二
卷八四九	乾隆三十四年十二月下	三六六
卷八五〇	乾隆三十五年正月上	三八四
卷八五一	乾隆三十五年正月下	三九五
卷八五二	乾隆三十五年二月上	四〇五
卷八五三	乾隆三十五年二月下	四一九
卷八五四	乾隆三十五年三月上	四二九
卷八五五	乾隆三十五年三月下	四四七
卷八五六	乾隆三十五年四月上	四六二
卷八五七	乾隆三十五年四月下	四七四
卷八五八	乾隆三十五年五月上	四八五
卷八五九	乾隆三十五年五月下	四九八

卷八六〇	乾隆三十五年閏五月上	五三二	卷八七九	乾隆三十六年二月下	七六六
卷八六一	乾隆三十五年閏五月下	五三一	卷八八〇	乾隆三十六年三月上	七八四
卷八六二	乾隆三十五年六月上	五五九	卷八八一	乾隆三十六年三月中	七九四
卷八六三	乾隆三十五年六月下	五七一	卷八八二	乾隆三十六年四月初	八二〇
卷八六四	乾隆三十五年七月上	五八七	卷八八三	乾隆三十六年四月中	八二六
卷八六五	乾隆三十五年七月下	六〇四	卷八八四	乾隆三十六年五月上	八三八
卷八六六	乾隆三十五年八月上	六二〇	卷八八五	乾隆三十六年五月中	八五一
卷八六七	乾隆三十五年八月下	六三三	卷八八六	乾隆三十六年六月初	八六五
卷八六八	乾隆三十五年九月上	六四〇	卷八八七	乾隆三十六年六月中	八七六
卷八六九	乾隆三十五年九月下	六四八	卷八八八	乾隆三十六年七月上	八八九
卷八七〇	乾隆三十五年十月上	六五八	卷八八九	乾隆三十六年七月中	九一〇
卷八七一	乾隆三十五年十月下	六七五	卷八九〇	乾隆三十六年八月初	九二七
卷八七二	乾隆三十五年十一月上	六九四	卷八九一	乾隆三十六年八月中	九四〇
卷八七三	乾隆三十五年十一月下	七〇四	卷八九二	乾隆三十六年九月上	九五五
卷八七四	乾隆三十五年十二月上	七二二	卷八九三	乾隆三十六年九月中	九八三
卷八七五	乾隆三十五年十二月下	七二五	卷八九四	乾隆三十六年十月上	九九七
卷八七六	乾隆三十六年正月上	七三八	卷八九五	乾隆三十六年十月中	一〇一一
卷八七七	乾隆三十六年正月下	七五三	卷八九六	乾隆三十六年十一月上	一〇三六
卷八七八	乾隆三十六年二月上	七五二	卷八九七	乾隆三十六年十一月下	一〇五五

卷八九八 乾隆二十六年十二月上 108
卷八九九 乾隆二十六年十二月下 109

卷八六〇	乾隆三十五年閏五月上	五三二	卷八七九	乾隆三十六年二月下	七六六
卷八六一	乾隆三十五年閏五月下	五三一	卷八八〇	乾隆三十六年三月上	七八四
卷八六二	乾隆三十五年六月上	五五九	卷八八一	乾隆三十六年三月中	七九四
卷八六三	乾隆三十五年六月下	五七一	卷八八二	乾隆三十六年四月初	八二〇
卷八六四	乾隆三十五年七月上	五八七	卷八八三	乾隆三十六年四月下	八三六
卷八六五	乾隆三十五年七月下	六〇四	卷八八四	乾隆三十六年五月上	八三八
卷八六六	乾隆三十五年八月上	六二〇	卷八八五	乾隆三十六年五月中	八五一
卷八六七	乾隆三十五年八月下	六三三	卷八八六	乾隆三十六年六月上	八六五
卷八六八	乾隆三十五年九月上	六四〇	卷八八七	乾隆三十六年六月下	八七八
卷八六九	乾隆三十五年九月下	六四八	卷八八八	乾隆三十六年七月上	八八九
卷八七〇	乾隆三十五年十月上	六五八	卷八八九	乾隆三十六年七月中	九一〇
卷八七一	乾隆三十五年十月下	六七五	卷八九〇	乾隆三十六年八月上	九二七
卷八七二	乾隆三十五年十一月上	六九四	卷八九一	乾隆三十六年八月下	九四〇
卷八七三	乾隆三十五年十一月下	七〇四	卷八九二	乾隆三十六年九月上	九五五
卷八七四	乾隆三十五年十二月上	七一三	卷八九三	乾隆三十六年九月中	九六三
卷八七五	乾隆三十五年十二月下	七二五	卷八九四	乾隆三十六年十月上	九七七
卷八七六	乾隆三十六年正月上	七三八	卷八九五	乾隆三十六年十月下	一〇一一
卷八七七	乾隆三十六年正月下	七五三	卷八九六	乾隆三十六年十一月上	一〇三六
卷八七八	乾隆三十六年二月上	七五二	卷八九七	乾隆三十六年十一月下	一〇五五

卷八九八

乾隆二十六年十二月上

1087

卷八九九

乾隆二十六年十二月下

1107

大清高宗法天隆運至誠先覺體元立極敦文

奮武孝慈神聖純皇帝實錄卷之八百二十六

監修臣等謹將乾隆三十四年八月二十日奉 上諭 著將雲南

布爾津縣屬之土著人等之田畝及一切產業等項均照舊章辦理

其有田畝及一切產業等項均照舊章辦理

其有田畝及一切產業等項均照舊章辦理

其有田畝及一切產業等項均照舊章辦理

乾隆

三十四年己丑春正月乙酉朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣求如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○丙

戌

上奉

皇太后幸重華宮侍宴 諭雲南省兵行所過

地方及永昌騰越普洱三府州地丁錢糧項

年降旨加恩蠲免其非經過地方亦即次寬

免十分之五今念該處軍務尚未告竣若即

照例徵輸閭閻未免拮据著再加恩將雲南

一省兵行所過之地及永昌騰越普洱各府

州本年應徵錢糧仍照前兩年之例全行蠲

免其非經過地方並免十分之五至湖北湖

南貴州三省兵行經過處所前已兩次緩徵

今再行加恩將本內地丁錢糧蠲免十分之

三俾免接年帶徵以紓民力該督撫等其重

率所屬實心經理務令小民均霽實惠副朕

軫念羣黎至意該部遵諭進行 又諭直隸

各屬上年間被水災業經加恩分別賑卹現

在時屆東作尚恐被災貧民際此青黃不接

之候生計不無拮据著再加恩將甯州保定

安州文安永清東安寧晉等七州縣被災六
分之極貧及七八九十分之極次貧均加賑
一個月其大城靜海二縣雖有代賑工程尚
恐不敷接濟又災分稍次之任邱肅寧慶雲
三縣內被災九分村莊極次貧民均著於停
賑後各加賑一個月該督其務董率屬員實
力查辦無任胥吏中飽俾小民均霑實惠副
朕加惠黎元至意該部遵諭連行丁亥
上諸

皇太后宮問安御紫光閣賜蒙古王公台吉
及回部郡王等宴召大學士及內廷翰林
等筵宴以冰牀聯句諭江蘇各屬上年得
雨稍遲收成不無歉薄業經分別蠲賑第念
被災稍重之區際此青黃不接民力尚多拮
据著再加恩將鹽城泰州東臺興化四州縣
被災九十分之極貧各加賑一個月該督撫
等其董率屬員妥協經理俾窮黎均霑實惠
不致稍有失所該部遵諭連行○又諭安徽

各屬上年因得雨稍遲間被偏災業經加恩
緩徵並分別賑卹現在時屆東作距麥秋為
期尚遠際此青黃不接之候生計尚多拮据
著再加恩將合肥鳳陽定遠霍邱泗州盱眙
天长滁州來安全椒等十州縣內被災十分
之極次貧及九分之極貧各加賑兩個月其
被災九分之次貧及八分之極貧各加賑一
個月廬州鳳陽長淮泗州滁州等五縣並照
屯坐州縣一體查辦該督撫等其董率屬員

實心經理務俾閭閻普霑闡澤以副朕軫念
災黎至意該部遵諭連行○又諭曰三格年
力就衰不必管理熱河總管事務永和駐打
牲烏拉已越數年著加恩賞給總管內務府
大臣職銜在熱河總管上行走其打牲烏拉
總管員缺仍著索柱補授○諭軍機大臣等
征剿緬匪由水路進兵必需船隻今派出署
副都御史傅顯彝軍統領烏三泰令其馳驛
前往雲南軍營監造船隻著傳諭高晉將湖

廣善造船隻匠役多為挑選妥協豫備俟傳
顯烏三泰到日即行交與伊等由彼帶往
軍機大臣等議奏定邊左副將軍成衮扎布
奏稱前自烏里雅蘇台運送伊犁錦甲內補
造損壞甲六百九十副承辦官員多用銀兩
係因軍營從前無成例可遵隨時價辦理
查該處雖係邊方現值無事嗣後應行修補
工作應照內地之例估辦從之○戊子諭豫
省光州等七州縣上年被旱成災業經降旨
分別蠲緩並先行撫卹一月仍照災分輕重
加賑一二三月第念該地稻田居多收成較
晚青黃不接之時民力未免拮据著再加恩
將光州光山固始息縣商城信陽羅山等七
州縣被災九分之極貧加賑兩個月被災九
分之次貧及七八分之極貧各加賑一個月
仍減價平糶倉糧水田借給稻種俾小民生
計裕如米價不至昂貴該撫其董率所屬實
力查辦毋使吏胥稍有侵漁扣剋副朕加惠

災黎至意該部遵諭速行○又諭湖北省安
陸雲夢等州縣上年得雨稍遲收成不無歉
薄已分別加恩蠲緩照例賑卹即勅不成災
之州縣衛所田地亦經將應徵錢糧緩至麥
收後徵徵今念該省尚有京山隨州二處雖
俱勘不成災而高阜之區秋收顆粒不及往
年小民口食未免仍多拮据著再加恩將京
山隨州應徵乾隆三十三年屯餉錢糧一體
緩至麥熟後徵收並酌借籽種口糧以紓民
力該撫等其即率屬妥協經理俾窮黎均霑
實惠副朕軫念閭閻至意該部遵諭速行
又諭曰湖廣總督吳達善著馳驛速赴新任
是日起
上以析穀於
上帝齋戒三日已丑諭前軍機大臣會同刑
部審奏僧人普潤一案該僧並非割辦正犯
係黃岡縣用刑逼認而巡撫程原奏奏有不
事刑求即行供吐之語因降旨令其明白回

奏令據奏廣多方迴護支離更不成話已於摺內批諭普潤疊經受刑其拶夾傷痕顯而易見豈軍機大臣等能辨之於解京之後而程燾轉不能辨之於解撫之時摺內乃云該僧到案所有受刑証服緣由遁情不吐試問退堂覆訊該僧雖則無言程燾豈竟無目者咎將誰歸封疆大臣遇有重案雖情詞曖昧尚須研窮得實若人犯曾否受刑其違豈復更須推勘乃猶不能明其黑白耶程燾著交部嚴加議處

庚寅

上諭

南郊齋宮齋宿諭軍機大臣等緬匪乃最爾蠻夷朕原無意取彼土地因近年輒敢越境騷擾邊氓始不得已派委兵弁辦理朕意緬匪本無知蠢愚倘畏威悔罪傾心投誠尚可加恩曲宥徵兵停剿今及年餘緬匪雖曾投款並未遣其大頭人前來且書詞多不恭順阿里衮阿桂去歲屢次遣兵毀其卡座擒其

活口並未深入其境痛加懲創是以特遣傅恒前往總理其事阿里衮阿桂均係副將軍而阿桂任兼總督未免分心即同阿里衮辦事亦屬掣肘著却去總督與阿里衮同心協助傅恒辦理進兵事宜委軍機章京舒斌齋送副將軍印二顆前往伊等接受後惟辦軍營事務再緣營兵甚屬無用除前調索倫兵二千名外再調索倫吉林兵各一千名遣往著該副將軍等即將所調胡廣等有緣營兵多為裁撤並將此際應備辦者妥為備辦又諭據李侍克覆奏廣東香山協副將魏文偉順德協副將余大佐堪勝總兵一摺魏文偉余大佐均著送部引見但伊等營伍各有應辦之事不必同時催令進京著李侍克隨宜酌量令各該員從容前後分班給咨送部引見又諭曰楊廷璋摺奏估修盤山各廟及獨樂寺工程九處共銀四千八百餘兩所費均屬浩繁內如獨樂寺一處需銀一千三

百餘兩尤為未協該寺工程修葺未久一切尚為堅固即加黏補油飾工料有限何至估修如許之多必係該督甫經到任屬員欲借此為興作開銷地步遂為慫恿朦蔽耳今年或前往盤山湯山此寺並非必由之地即使先事豫備寺宇大體完好其塗墍不能過遍亦斷不加之責備可傳諭楊廷璋獨樂寺一處今年竟可無庸籌辦其別處即有酌修之處目下尚未春和雖有動作恐亦不歸實濟

此時亦可不必汲汲從事○辛卯祈穀於

上帝

上親詣行禮○

世祖章皇帝忌辰遣官祭

孝陵○詣

皇太后宮問安○諭進剿緬匪一事今年必須合力大舉昨歲已派京城健銳火器營及成都荊州各駐防兵陸續前往雲南茲復添派索倫吉林兵前赴軍營厚集其力聽候臨期

進發大學士公傳恒前已降旨授為經畧俟應行啟程時擇日前往總統一切進剿事宜阿里衷阿桂昨俱已授為副將軍現在派員齎送印信前往備用阿桂既應統兵同進其總督事務不能兼顧且將來進兵時永昌等處亦需總督大員調度策應明德著補授雲貴總督駐劄永昌辦理一應軍務兼轄通省事宜其雲南巡撫員缺著喀寧阿補授駐劄省城專辦通省地方事務喀寧阿現在差往

湖南著即馳驛前赴新任不必來京請訓○又諭征剿緬匪一事今歲必須大舉進兵現派吉林索倫兵前往所有經過地方一切車馬等項均動帑辦給絲毫不要民間第沿途運送供役不無稍資民力在百姓久沐恩養趨事服勞固屬分內之事而踴躍急公淳良足尚自當格外加恩以示嘉獎直隸河南湖北湖南貴州等五省各賞銀十萬兩雲南省賞銀三十萬兩均於藩庫內給發該督撫等

須實心實力率屬妥辦。俾小民均霑實惠。朕如此疊沛恩綸。惟期恤吾赤子。各省倘有辦理不善。或致侵蝕冒銷。胥役中飽等弊。非但水鮮之地。方官罪難輕宥。即督撫亦自取重戾。且封疆大臣受朕委任。遇有此等緊要事務。若不稍動天良。竭力董察。復何顏對人耶。將此通諭知之。又諭曰。明福現有應行查訊事件。著解任。交與刑部看守。又諭據鄂寧奏。秦臺灣總兵王靈於賊匪黃教登旗焚

殺一黨。措置乖張。畏葸退縮。且心存諱飾。屢次捏報。僅將守備劉國標揭參。希圖卸罪。請旨解解質審等語。王親前已降旨革職。著即解解來京交軍機大臣嚴審定擬。具奏。守備劉國標等有應行質訊之處。並著鄂寧遵委妥員一併押解來京聽候審訊。又諭曰。總兵張秀前奏會哨考察摺內。有營兵水操練習滿漢陣勢之語。滿兵向無水師陣勢。所奏殊不可解。傳諭令其明白回奏。今據覆奏。乃

稱歷年相沿水操事竣。皆以練習滿漢陣勢字樣呈報。總督等語。其詞尤為誕妄。支離總兵練習營務考察又係大典。乃以書吏荒謬之言率行入奏。又欲以曾報總督諱為與己無與。復成何語。該秀著交部議處。又諭據喀寧阿等奏。奎文銘控告秦陵州城工丈尺不符一摺。其中雖無浮冒侵欺情弊。但此項工程久經責成督撫。遣派大員悉心稽察。分勘詳查。理應一一確覈估銷。今秦陵州城

工丈尺或係估多修少。或係估少修多。總計雖足相抵。但工程務期嚴實。即使估後尚須通融。亦當聲明具奏。且知州戴保釐先已稟明巡撫馮鈴工竣之後。該撫又親驗收工。所有不符原估之處。皆該撫所深悉。何以不將前後善辦情形據實奏聞。竟爾朦混題銷。此豈無心錯誤可比。馮鈴著交部嚴加議處。至梁兆榜係專管道員。乃並不往查。草率轉詳了事。視公務如同膜外。其情可惡。與邵大章

申學靈無異梁兆榜著革職發往軍臺効力
贖罪方世傷並不詳加查察各亦難辭著交
部察議餘著該部覈擬具奏
諭軍機大臣
等著傳諭黑龍江將軍傅玉於索倫達呼爾
內再派年力精壯者一千名酌量兵數派協
領等官及總管副總管內能管轄者一人陸
緒帶赴京師其應得之項均照前派二千名
之例給予其子弟內有閒散壯丁情願充作
跟役者准其攜帶伊等既得乃且遇出缺亦

便於挑補其如何揀派何時起程該將軍速
行奏聞尋奏陸續派往二千官兵俱由打牲
呼倫貝爾二處揀派該二處坐卡巡察差務
繁多餘兵未能一律強壯請由齊齊哈爾兵
內揀派四百名黑龍江三百名墨爾根城二
百名呼蘭城一百名共一千名分二隊每隊
派協領一員率領並遵旨傳諭官兵內有願
攜帶子弟者聽其作為跟役帶往齊齊哈爾
呼蘭二城兵五百名章京六員馳騎校六員

令協領巴彙率領於二月初六日由齊齊哈
爾起程其黑龍江墨爾根二城兵五百名章
京六員馳騎校六員俟到時即令協領巴彙
率領續發報聞又諭前派吉林兵一千名
因暫不遑勒令其撤回候旨著傳諭恒豫仍
將該處兵一千名交參贊明亮分隊帶領來
京應得之項照軍機大臣前議辦理又諭
現在征剿緬匪陸續派兵前往已降旨將經
過各省賞給銀兩不使稍累民間並諭各該

督撫實力董察妥協經理自當一體凜遵并
聞向來經過驛路州縣竟有不肖之徒平時
厚積俸廉一聞差務輒借端引退者亦有藉
辦差之名私斂肥橐者此等惡習實可痛恨
督撫等毋因其已經去任曲為姑容何以飭
官方而勵臣職著傳諭各該督撫嚴飭各屬
實心辦公如有前項劣員即行據實奏參毋
得稍為徇庇自取罪戾又諭據鄂寧奏奏
明福常在豫提稅銀那斯補舊請派大臣前

往審理一摺看來此案三年之中提補之數幾至四萬其中經官之人必有侵吞乾沒情事明福在閩年久缺額已至如此之多且係首先作俑現已降旨解任交刑部看守其家人徐四達子常住並令查拏押赴閩省質審此案不必另派大臣鄂寧身為滿洲巡撫即著將此交與審訊務須徹底根究訊出侵盜實情毋使稍有漏網至常存在任甫五十餘日其人向屬顛預或僅為委員等所愚其罪尚輕倘亦有沾染之處若仍留將軍之任恐管關旗員不無瞻顧鄂寧即一面奏聞一面將伊解任研審所有將軍印務鄂寧即行暫署達色前曾署理將軍有關涉之處亦著一併就近質問○壬辰享

太廟遣裕親王廣祿恭代行禮○遣官祭太歲之神○

上詣

大高殿行禮○諭上年直隸近水州縣窪地聞

被偏災業經加恩分別賑卹新正又經降旨將霸州等十二州縣極次貧民均予展賑自可不致失所但各該處需用米石頗多而借種平糶亦需米接濟著再加恩撥運通倉米二十萬石以為各該處加賑糶借之用該督其量率屬員實力辦理務使小民均霑實惠該部遵諭速行○諭軍機大臣等據阿里衮阿桂奏稱海蘭察瑪格等帶領官兵馳赴南底壩侍衛官兵三百餘名馬匹俱已疲乏因擇官兵馬匹較健者二百名率領擒捉設卡賊匪徑襲及鳩村莊將其三大村莊屋宇悉行焚燬官兵放箭截殺有中箭死者有情急投江者有競渡登舟舟覆落水淹斃者約計不下千名對岸雖有賊匪二千餘名設立壘寨但我兵太少又無船隻因整旅而回等語我兵二百餘名剿獲賊匪千餘海蘭察等因人少無船而回固合機宜然此不過賊匪展放之卡並未直逼賊境烏足使其懾服至所

稱行至南底驛馬匹俱已疲乏殊堪駭異彼處之馬皆係發往餵養年餘且阿里衮等係擇其壯者帶往何以行走五六日即形疲乏看來伊等不願進兵因故將馬力不及之處稍帶聲錢以預為之地耳今甫行五六日即至疲乏秋間進兵止行五六日而已乎彼時將復何以處之此事所關非輕阿里衮從前豈竟未嘗籌辦者傳諭阿里衮阿桂將馬匹何以疲乏若此或南方果係馬匹不宜或

餵養官兵辦理不善之處據實明白回奏如謂朕有旨申飭稍存掩飾至貽誤事體之優恐伊等不能當此重罪又奏稱阿里衮於九月間親赴龍陵等處關隘指定設卡地方安設兵丁完畢十一月間官兵始陸續到齊等語朕遣伊等原為勦賊並非令其防賊設卡等事皆須阿里衮親赴辦理是非勦賊特防賊之侵擾也阿里衮不識事體輕重徒勞跋涉以致耽延時日若然今秋策將安出進兵

乎或防守地方乎彼能保賊匪不來乎此事伊等計算如何了結之處著據實奏聞○奏已諭軍機大臣等前鄂寧奏閩海關稅額短少豫提下區銀數那後掩前一案隨諭令明福來京訊問曾諭該撫將此案應質人犯解京審訊昨據鄂寧續奏查出常在任內管關官役亦有乘機舞弊朦混造報等情並請將明福家人徐四達子等解閩質訊已傳諭鄂寧東公嚴審務得侵盜實情並將常在達色

有無知情之處一併就近查辦矣鄂寧審訊如僅係委員家人等通同舞弊乾沒分肥即在閩省就近審擬定案其人犯不必解京若查出明福本身亦有染指之處即將應行質對要犯派委委員押解來京候訊將此再行傳諭鄂寧知之○署河東河道總督晏嗣爵奏現將東省運河逐段復勘如河廳屬之丁廟六里等閘有雁翅裂縫及剝落者已飭黏補運河廳屬之南旺壩分水口對岸石駁岸

塌卸數丈應補修捕河廳屬之荆門上開底
漏應用新石補塞并換開板東平州屬之戴
村石壩三道惟北壩衝塌二十八丈應修補
均飭營城至兩岸土工臨清以北俱民堰南
旺以南俱官隄其中則官隄民堰相錯現將
民堰卑薄者飭該州縣督民夫加幫修築其
官隄接本年咸漲時水誌察其出水僅尺餘
及數寸并殘缺者量明土方段落確估加培
其與挑河工段相近者令將挑起之土擡積

堤項俟開壩後酌派兵夫攤築行碶得旨嘉
獎○以順天府府尹葛峻起太僕寺卿歐陽
瑾對調○甲午右部哈薩克阿布勒比斯子
卓勒齊及各部落使臣布噶特等十三人至
京

上御乾清宮卓勒齊等行禮命坐賜茶並各賜
冠服有差○詣

大高殿行禮○奉

皇太后居長春仙館○詣

安佑宮行禮○幸圓明園○諭軍機大臣等昨
聞伊犁國之母病故已降旨著永貴前赴伊
犁署理將軍印務令伊犁國來京諒伊犁國
接奉此旨業經成服來京時已滿百日著傳
諭伊犁國至京奠祭事畢過二十餘日即著
陛見數日後仍回伊犁該處事務甚屬緊要
乙未諭據楊廷璋奏保定府知府吳兆
基於冰審縣丞林恭蒙得贓一案延至三月
之久一任役供辜為開脫請照溺職例革職

所奏甚是已於摺內批示矣道府大員專司
承上接下於吏治所關甚重一切地方政務
自應實力整頓屏除瞻顧私情方合率屬奉
公之道若以養廉既優惟事斤斤自守遇事
一味模稜國家何賴有此監守之職况承審
案件屢經督臣飭催尚依違觀望始終不肯
究出實情似此錮習相沿何以肅官方而重
民事近時如邵大業申夢蓮梁兆榜等皆以
持祿曠官幾成牢不可破之局朕已屢經降